

DEO OPT. MAX. VNIET TRINO, VIRGINI DEIPARÆ, ET SANCTO LVCÆ, ORTHODOXORVM MEDICORVM PATRONO.

QVÆSTIO MEDICA.  
CARDINALITIIS DISPVATIONIBVS MANE DISCVTIENDA  
IN SCHOLIS MEDICORVM DIE IOVIS IX. MARTII.  
M. CAROLO LE CLERC, Doctore Medico Præsede.

*Conferunt-ne curandis morbis animi pathemata?*

1051

**N**ON solum bona valetudo sustentatur rerum notitiâ quæ corporis nostri essentiam constituunt, sed & earum quæ cum prodesse aut obesse soleant ἀναφορὰ dicuntur. Offusus nobis ær dum natiuo calori refrigerium & spiritui pabulum præstat simul intemperie repentinâque mutatione corpora nostra afficit. Cibi potusque, dum permanentem corpori substantiam præbent, plurimis morbis gignendis materiam subministrant; eorum nulla foret necessitas si substantiæ nostræ non fieret deperditio. Somnus animantibus ad quietem viriumque per vigilias motusque tum corporis tum animi collapsarum instaurationem datus est, in morbis tamen, si laborem facit, lethalis. Animi pathematis ad morbos non modo excitandos sed & præcauendos curandosque vis est non mediocris, ob caloris vna cum sanguine & spiritu vel ad interiora reuocationem, ut in mœrore & tristitiâ, vel in corporis ambitum diffusionem, ut in gaudio, verecundiâ, oxythymia.

**A**RTEM medicam perficiunt æger, Medicus, morbus. Æger cum Medico morbo reluctari debet si victoriæ socius fieri exoptat: Morbus contrariis profligandus est; at si pariter cum corpore animus ægrotet in subsidium venient verborum blanditiæ, quibus mœrentis aut exasperati animi dolorem lenire possis & magnam morbi depellere partem. In ægro fidelis & diligens relatio & obedientia requiruntur, ideoque nisi Medicum ut quemdam deum suspiciat vix artis præceptis obtemperabit. Quid mirum igitur si non parum ægris profit ab eo curari à quo volunt, Medicusque amicus ignoto sit vtilior? Illum commendatione dignum reddunt iudicium & experientia, quæ illius soboles est; cumque mali Medici sit desperare ne curet, omnem ille mouere debet machinam ut prodesse possit ægris etiam deploratis; morbos sæpe nouat & mutat, febres accendit quæ grauioribus & periculosioribus affectibus leuant. Quid ni quoque animi pathemata excitabuntur? ut horum ope calor natiuus languidus ac torpescens excitetur, vel auctior factus, ad debitam mediocritatem reducatur.

**I**RA, metus, gaudium, mœstitia & similia sunt auersæ à rectâ ratione commotiones. In animi parte rationis particeps nihil turbidum, nihil molestum obseruare licet, sed placidam quietamque animi constantiam. Quibus vitale cordis robur infirmum est, animi vero pathemata valida, iis caloris natiui substantia facile dissoluitur. Oxythymia, celerior in iram præcipitatio, muliebri quidem vitium est, quamquam incidat & in viros quibus muliebria sæpe insunt ingenia; calor in corde exuperantiam & animosæ facultatis vehementiam sequitur. Hæc cor, pulmonem & caput roborat, corporique χαλεποῦ ἀνταρῶν conciliat. Ira sanguinis efferuescentia circa cor ijs maximè exitiosa esse solet quibus cor & caput naturali intemperie, aut aduentitiâ calidiora existunt, mentem perturbat ut & artem vel famosi athletæ Pyrrhi testimonio, & cum omne imbecillum sit naturâ querulum, præcipitis sunt iræ pueri, senes, mulieres, defatigati, famelici & quibus purgatione aut sanguinis deperditione imminutus fuit calor. ὀργὴ cor relaxat & diffusis ad exteriora spiritibus omnium facultatum vigorem excitat, corporisque habitum alit & humectat. Metus ob subitam caloris ad cor reuocationem pallorem inducit, partes extimas refrigerat, aluum sæpe soluit atque vrinæ excretionem sollicitat.

**V**T in corpore, cum humores exuperant, morbi generantur; sic in animum ubi se cupiditates immodicæ intruserint, ægritudines in eo sunt, cuius quidem haud secus ac corporis quædam datur ἀσθένεια quæ ἰσχυρὸν ἀνὸς non minus quam athletica periculosa esse solet, hinc & ἀνδραγαθὸν ἔσθλόν, vixque reperias magnum aliquod ingenium sine mixturâ dementiæ. Caue tamen credas non aliâs duriores extitisse naturam quàm cum leuari mala voluit atrocibus remediis, aut ingenii acutiem felicitatemque corporis tarditate compensauit. Inuadit temperatissimos morbus, validissimos phthisis, secretissimos tumultus, sapientissimos quoque percellunt animi ægritudines. Apagæ Stoicorum illam ἀπαθίαν; nullum est tam pertinax & acre Philosophiæ studium, nullaque disciplina quæ hominis mores ita temperare ac moderari possit, quin interdum perturbationum animi fluctibus & procellis iactetur. Ut naui gubernatorem non commendat tranquillitas maris, sed huius in magnâ tempestate commotio, sic semper esse felicem & sine morsu animi transire vitam, ignorare est rerum naturæ alteram partem.

**P**ER animi igitur affectus & tranquillitatem morbis medetur prudens & sagax medicus. Si nimium sibi fidit æger & proinde medici imperantis præcepta non audit, metu incusso reuocandus est à licentiâ. Si animum despondet ac ob id remedia respuat erigendus illius animus in spem melioris valetudinis; Metus quoque in nimio morbi æstu potest ut plurimum prodesse. ὀργὴ, calorem natiuum excitans, frigidis morbis tenacibus ac refractariis vtilis est, item melancholicis quia πῶς καὶ πῶς ἀφίπνῃ. Quibus pituitosi humoris prouentus vberior, ut iis qui eruo & leguminibus in Aëno velcebantur, crurumque impotentia & genuum dolore laborabant, bonum est ijs irasci, ut humores calefacti in profundo corpore delitescerent ad circumferentiam per patentes vias amandentur qui pituitæ coquendæ aliquid opis adferant.

*Ergo conferunt curandis morbis animi pathemata.*

F.M.P.  
BIBLIOTHECA

49

Proponebat Lutetiæ ABRAHAMVS THEVART Parisinus A.R.S.H. M. D.C. LVI